

POZIV ZA MEDIJE

Otvaranje Odjela za podršku svjedocima u Zenici

Sarajevo 28. januar 2016. godine - Ceremonija svečanog otvaranja i zvaničnog početka rada Odjela za podršku svjedocima pri Kantonalnom sudu u Zenici i Kantonalnom tužilaštvu Zeničko-dobojskog kantona održaće se u petak, 29. januara 2016. godine u 11:00h u Zenici.

U saradnji sa Visokim sudskim i tužilačkim vijećem BiH, te uz finansijsku podršku Vlade Sjedinjenih Američkih Država, Razvojni program Ujedinjenih nacija (UNDP) u BiH radi na širenju mehanizama koji osigurava jednak tretman i pristup pri pružanju podrške i zaštite svjedocima/žrtvama u krivičnim predmetima koje procesuiraju kantonalni sud i tužilaštvo u Zeničko-dobojskom kantonu.


Kroz rad ovog Odjela pravosudne institucije u BiH ispunjavaju jednu od ključnih preporuka Strukturalnog dijaloga u okviru procesa stabilizacije i pridruživanja po pitanju funkcioniranja pravosudnih institucija, procesuiranja predmeta ratnih zločina i mehanizama zaštite i podrške svjedocima.

Predstavnici medija se pozivaju da prisustvuju ovom događaju u 11:00h u petak, 29. januara 2016. godine u zgradi Kantonalnog suda u Zenici, Masarykova 50.

Medijima će se na ceremoniji otvaranja Odjela za podršku svjedocima obratiti:

- **Snježana Čolaković**, predsjednica Kantonalnog suda u Zenici
- **Milan Tegeltija**, predsjednik Visokog sudskog i tužilačkog savjeta BiH
- **Miralem Galijašević**, premijer Vlade Zeničko-dobojskog Kantona (n.p.)
- **Nj. E. Maureen Cormack**, ambasadorica Sjedinjenih Američkih Država u BiH
- **Sezin Sinanoglu**, rezidentna predstavница UNDP-a u BiH

U okviru projekta „**Podrška procesuiranju slučajeva ratnih zločina u BiH**“, UNDP je do sada opremio i uspostavio **šesnaest odjela za podršku svjedocima u kantonalnim/okružnim sudovima i tužilaštvima u Sarajevu, Banjoj Luci, Istočnom Sarajevu, Bihaću, Novom Travniku i Travniku, Brčko Distriktu i Mostaru**, sa ciljem da žrtvama i svjedocima u krivičnim predmetima pruže podršku pri svjedočenju tokom istrage i sudskog postupka (neposredno prije, za vrijeme i nakon sudskog postupka).



Za dodatne informacije, kontaktirajte UNDP Odjel komunikacija putem e-maila communications.ba@undp.org ili telefonom na broj +387 33 293 400.